



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De sancto Ammone, & qui in olymbo ætatem agebat Eutichiano, & Arij  
hæresi, vnde initium haberuerit quosque arripuerit, & de orta inter  
episcopos dissentione. Cap. XIII.

**urn:nbn:de:hbz:466:1-12718**

## S O Z O M E N I H I S T O R .

deprehendisset, placidè risisse, iureque iurando se tum obstrinxisse, se nō amplius vitam cum ea aucturum. Ac cum ei, qui stuprum vxori intulerat, dixisset, Habeto illam tibi, recta in solitudinem ad Antonium se contulisse. Dicitur præterea mansuetissimus fuisse, & omnium molestiarum patientissimus. De quo iam aetate reuera proiecto, & ad vita monasticæ asperitatem tolerandam minus assuefacto (nuper enim in eam erat ingressus) varijs modis periculum fecit Antonius, eumque in re nulla ignauum comperit. Cui perfectæ vitae testimonio tributo, utpote nullo iam praceptor egenti, vitam separatim degendi fecit potestatem. Quod quidem Antonij testimonium Deus ipse confirmavit, Paulumque virum effecit planè illustrissimum, atq; in affigendis expellendisque dæmonibus magistro suo multo superiore.

*De sancto Ammone, & qui in olymbo aetatem  
agebat Eutichiano, & Arij heresi, unde ini-  
zium habuerit quosque arripuerit, &  
de ortu inter episcopos dissentio-  
ne. CAP. XIII.*

**P**Er idem ferè tempus Ammon Aegyptius monasticū vitae genus excoluit. Quem fama est, suorum impulsione vxorem quidem duxisse, cum ea tamen, vti viris licitum est, nunquam rem habuisse. Nam initio vbi nuptiae factæ sunt, & vt sponsus sponsam acceptam, in thalamum solus introduxerat, a nobis, inquit, o mulier, nuptiae iam sunt celebratæ & huc usque perductæ. Deinde quam eximiū bonum sit posse virginem manere, sacrarum literarum testimonijs in medium adductis, exponit, ad eum finem, vt solus possit habitare. At cum mulier orationem de virginitate seruanda laudaret, ageret tamen ferret ab ipso sciungi. Ammon in separato lecto dormiens, cum ea quidem vixit una ad decem & octo annos, non ita tamen vt disciplinā monasticam negligeret. Interea téporis, mulier eius virtutē adeo cœpit & æmulari, & admirari, vti putaret, nō modò iniquū esse tam egregium virum sua causa intra parictes domesticos occultari

occultari, verum etiam oportere utrumque eorum in separatis domiciliis studio pietatis & sapientiae se penitus dicare. Atque ut istud fieret a viro contendit. Ille autem cum gratias egisset Deo, quod hoc consilium mulieris animo iniecerat, tu ergo, inquit, has aedes teneto: ego alteras mihi extram. Itaque versus meridiem ad locum desertum lacum Maream tangentem, & circa Sceten, & montem, qui Netria dicitur, situm profectus, viginti duos annos ibi monasticum vitae genus exercuit, bisq; duntaxat in annos singulos uxorem vidit. Huius diuinorum monasteriorum in illis locis positorum praesidis multi ac memorabiles fuere discipuli, utri eorum successiones a nobis exposita declarabunt. Multae ac diuinae res eius causa a Deo editae sunt, quae a monachis Aegypti accurate tenentur: quippe qui virtutes veterum monachorum per traditionem non scriptam, eamque successione a maioribus suis descendente commemorando renouare permagni aestimarint. A me vero illa duntaxat dicentur, quae ad nostram notitiam peruenere. Is quidem & Theodorus suus discipulus quopiam forte proficiscentes, fossam quandam, quam Lycum appellant, transire coacti sunt necessario. Ac ne nudum alter alterum aspiceret, Ammon dat mandatum Theodoro, ut se inde paululum subducatur. Verum ubi se quoque nudum conspicari erubuerit, subito diuina virtute ac potentia in sublime sublatus, in aduersam fossae ripam transportatus est. Theodorus vero cum aquam traieciit, & Ammonis vestem ac pedes minimè aqua madefactos cerneret, impense oravit seneam, ut causam ei indicaret. Ac cum Ammon causam illi dicere recusaret, Theodorus constanter affirmauit, se non alia conditione a rogando desitum, nisi de ea certior fieret: pollicitusque est, se dum viueret nulli unquam dictum. Quibus verbis inductus Ammon, quod acciderat, vere confessus est. Illud præterea, quod iam narrabo, non minus certe habet admirationis, quam quod modo dictum est. In iusti quidam parentes filium a cane rabido morsum, qui quam primum vulnere periturus expectabatur, adducunt ad Ammonem, & cum querela ac lachrymis orant eum, ut filio curationem adhibeat. Quibus ille, non eger, inquit, mea curatione. Nam si vos bouem, quem forati

## SOZOMENI HISTOR.

estis, dominis volueritis reddere, exemplò filius vester conualefcet. Quod quidem vt dixerat, euenit. Nam simul vt bos erat redditus, vulnus adolescentis sanatum est. Fertur porrò, cum Ammon iste mortem obiret, Antonium vidisse animam eius, diuinis potestatibus cum psalmis & hymnis p̄euentibus, in cælum sublatam esse. Ac quibusdam è familiaribus causam, cur tanta eum incessisset admiratio, scissitantibus (videbatur namque inten-  
tis oculis aerem intueri, & insignis miraculi visione ob-  
stupefactus esse) rem, vt gesta erat, explanauit. Postea verò quād ex Scete quidam aduentates, nuntiarunt ipsam horam, qua mortuus est Ammon, prædictio Antonij vera esse planè ostenditur: adeo vt omnes vtrumque beatum prædicarent: alterum, quod ex hac vita ad ea, quæ constat inter omnes verè bona esse migrarat: alterum autem, quod tam p̄eclaro dignatus erat spectaculo, eoquē ex tanto loci interallo sibi à Deo ostentato. Nam inter loca, in quibus vterque ætatem degebāt, intercedit multorum dierum via. Atque hæc quidem sint de Antonio & Ammone, vti narratum est ab his, qui cum illis vixerint, à nobis commemorata. Porrò auditione equidem accepi, Eutychianum quoque, regnante Constantino, sanctum & seuerum vitæ genus, non sine magna laude coluisse: qui quidem circa Olympum in Bythinia domicilium suum habuit: quique tametli sectam Nouatianorum tuebatur, tamen diuinæ gratiæ factus est particeps. Quippe & sanauit morbos, & facta adeo mirabilia edidit, vt virtute, quæ in vita eius elucebat, Constantinū familiarē sibi & amicū effec-  
tit. Nam cū quidam ex satellitū numero id téporis tenere tur in vinculis (suspectus enim de tyrannide aufugerat ille quidem, sed conquisitus, circa Olympum comprehensus erat) & Eutychiani necessarij rogarent cum, vt pro vin-  
to ad imperatorem legatus quidem ire vellet, sed pri-  
mum omnium prouideret, vt homo solueretur è vinculis, ne grauiter & acerbè constrictus, morte p̄eoccuparetur, fa-  
ma est eum à custodibus ad se accersitis contendisse, vt vin-  
culis satellitem laxarent. Q uod cum illi negassent, Eutychianum ad carcerem venisse, fores occlusas sua sponte ei patuisse, vincto deniq; excidisse vincula. Postea autē impe-  
ratorem

ratorē, qui tum erat Constantinopoli, adiuuisse, facileq; ab eo, satelliti impetravisse veniam. Nam solebat Constantinus res ab Eutychiano postulatas non illibenter concedere: quandoquidem hominem in magno sane honore habuit. At de monachis qui eo tempore egregiè præter cœtros pietatis & sapientiae studium excolebant, sint hæc à nobis breuiter disputata. Quod si cuiq; sit curæ, res ab istis gestas accuratè cognoscere, vitas cōplurium eorū literis mādatas, si modo perquisuerit, reperiet. Iam verò quanquam religio Christiana in cœteris omnibus rebus florebat, tamen disputationes quædam litigiosæ, quæ simulatione scilicet pietatis, & veræ dei cognitionis eliciendæ res ante minimè exagitatas, in controuersiam rursus deducebant, ecclesiæ vehementer perturbarunt. Harum disputationum author fuit Arrius, ecclesiæ Alexandrinæ, quæ est in Aegypto, presbyter: qui licet initio doctrinæ Christianæ videretur perstudiosus esse, Meletio tamen res nouas molienti adiumento fuit. Cuius partes cum deseruisset, à Petro episcopo Alexandrino diaconus ordinatus est: & rursus ab eodem ecclesiæ electus: quandoquidem cum Petrus fautores abdicasset Meletij, & eius baptismā improbabasset, hic Arrius in res à Petro gestas grauiter inuestitus est, & quiescere nullo modo potuit. Vbi verò Petrus martyrio occubuerat, Arius, venia ab Achilla petita, non solum permisus est diaconatu fungi, verum etiam ad presbyterij gradum elatus est. Postea vero Alexander eum permagni aestimare cœpit.

Iste subtilitate differendi cum primis excellens ( dicebatur enim eiusmodi artibus imbutus esse) ad opiniones tam absurdas delapsus est, vt quod nunquam ante à quoquam dictum fuerat, non vereretur in ecclesia palam efferre: nimirum, Filium Dei ex nihilo ortum esse, tempus fuisse, quando non erat, suo libero arbitrio vitij & virtutis capacem esse, conditum esse, factum esse: & alia multa, quæ eum, qui quod his sententijs patrocinetur, ad disputandum, & ad querendum de singulis accedat, dicere verisimile est. Nonnulli autem occasione ex his verbis arrepta, accusabant Alexandrum, quod has nouas aduersus Christianā religionē opiniones cōtra

C 2 quām

## SOZOMENI HISTOR.

quam debuerat, pertulisset. At ille ratus multò satius esse, vt rationes de rebus ambiguis ab vtraq; parte proponeretur, quò videretur aduersarios non necessitate coegisse, sed persuadendo ad desistendum à contentione induxisse, ipse cù quibusdam ex clero sedens, vt iudex, vtranq; partem in certamen adducit: & vti in disceptationibus litigiosis vsuuenire solet, vtraque vincere conatur. Nam Arius opiniones quas protulerat, acriter defendere laborat, alij autem filium consubstantialem esse patri, & coæternum afferunt. Conuocato rursus concilio, tanta cum contentione disceptatum est, vt nullo modo consentire inter ipsos posset. Itaque cum adhuc quæstio anceps & cōtrouersa videretur, ita primò quidem Alexander animo affectus erat, vt modò hos, modò illos laudaret. Ad extremū tamen his, qui filium consubstantialem patri, & coæternum assueverabant, assensus est: iussitque Ario, vt contrarijs rationib; reiectis, eandē cum eo sententiam sequeretur. Verū cum ei persuaderet non posset, & cōplures tū episcopi, tum clericī eius dicēses, Arrium verē dicere censerent, illi cū cæteris clericis eiusdem opinionis fautoribus, interdixit ecclesia. Ab eius partibus stabant, ex Alexandrina ecclesia presbyteri quidē, Aethalas, Achillas, Carpones, Sarmates, & Attius alter: diaconi autē, Euzoius, Macarius, Iulius, Menas, & Helladius. Hinc etiam factum est, vt non exigua populi pars ad eorum factionē se transferret: quippe nonnulli ita de deo sentiendum arbitrati sunt: alij, quod quidē vulgō cuenire solet, eos tanq; affectos iniuria, & indicta causa ecclesia eiecos cōmiserati. Vbi verò res Alexandriae essent hoc loco constitutae, Arriani benevolentiam episcoporum singulas ciuitates administrantium sibi necessariò antè colligendā arbitrati, mittunt legatos ad eos cù literis de fide sua, contenduntq; ab illis, vt si rectum ipsis videretur ita de deo sentiendum, significant Alexandro vti minimè ipsis succenseret: sin minus, docerent eos, quemadmodum sentiendum esset. Qui quidem conatus, non parum eorum causam adiuuit. Nam hac illorū opinione in omnes ferè dispersa, ab omnibus passim episcopis de ea disputari cœptum est: quorum pars scripsere ad Alexandrum, ne admitteret Arianos in ecclesiā, nisi suam de fide opinionem abijcerent: pars autem orauit,